

|                       |      |         |            |
|-----------------------|------|---------|------------|
| Primljeno: 26-05-2025 |      |         |            |
| Org. jed.             | Broj | Priloga | Vrijednost |
| 02<br>02/c            | -02- | 414     | 125        |

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SREDIŠNJA BOSNA/SREDNJOBOSANSKI KANTON**  
**SABOR/SKUPŠTINA**  
**TRAVNIK**

Na temelju članka 110. Poslovnika Sabora Kantona Središnja Bosna ("Službene novine Kantona Središnja Bosna", broj: 3/04, 6/13 i 16/20), Sabor Kantona Središnja Bosna u povodu razmatranja federalnog Nacrta zakona o profesionalnoj rehabilitaciji i zapošljavanju osoba s invaliditetom, na XX. sjednici, održanoj 21.5.2025. godine,  
d o n o s i:

**ZAKLJUČAK**

**I.**

Sabor Kantona Središnja Bosna daje pozitivno mišljenje na Nacrt zakona o profesionalnoj rehabilitaciji i zapošljavanju osoba s invaliditetom uz uvažavanje primjedbi i prijedloga sadržanih u Zaključku Vlade Kantona Središnja Bosna.

**II.**

Mišljenje Ministarstva gospodarstva Kantona Središnja Bosna o navedenom Nacrtu zakona, akt broj: 05-30-110/24-1 od 8.4.2025. godine, koje je Vlada Kantona Središnja Bosna prihvatila svojim Zaključkom, akt broj: 01-04.1-4248/2025-4 od 17.4.2025. godine i isti uputila u daljnju saborsku proceduru, čine sastavni dio ovog Zaključka.

**III.**

Ovaj zaključak stupa na snagu danom donošenja a dostavit će se Domu naroda Parlamenta Federacije Bosne i Hercegovine, Federalnom ministarstvu rada i socijalne politike, Vladi Kantona Središnja Bosna i Ministarstvu gospodarstva Kantona Središnja Bosna.

Broj: 01-02-538/25  
Travnik, 21.5.2025. godine



**PREDSJEDATELJ SABORA**  
**Dražen Matišić, dipl. ing. elektrotehnike**

Na temelju članka 31. Zakona o Vladi Kantona Središnja Bosna (Službene novine Kantona Središnja Bosna, broj 5/03-prečišćeni tekst i 14/03), Vlada Kantona Središnja Bosna, **na 83. sjednici, održanoj 17. 4. 2025. godine**, razmatrajući **Ad 4. Mišljenje na federalni Nacrt zakona o profesionalnoj rehabilitaciji i zapošljavanju osoba s invaliditetom, donosi**

## ZAKLJUČAK

### I.

Vlada Kantona podržava mišljenje Ministarstva gospodarstva o federalnom Nacrtu zakona o profesionalnoj rehabilitaciji i zapošljavanju osoba s invaliditetom iz akta broj 05-30-110/24-1 od 8. 4. 2025. godine, te se kao takvo ima smatrati mišljenjem Vlade Kantona Središnja Bosna.

### II.

Ovaj Zaključak dostaviti će se Saboru Kantona na daljnje postupanje.

Broj: 01-04.1-4248/2025-4  
Travnik, 17. 4. 2025.



**PREDSJEDNIK VLADE KANTONA**

**Tahir Lendo, dipl. ing.**



Broj: 05-30-110/24-1  
Travnik, 8.4.2025. godine

**VLADA SREDNJOBOSANSKOG KANTONA**

**PREDMET:** Mišljenje na federalni Nacrt Zakona o profesionalnoj rehabilitaciji i zapošljavanju osoba s invaliditetom, dostavlja se

Poštovani,

Ministarstvu privrede je od strane Stručne službe Vlade Srednjobosanskog kantona dostavljen dopis broj:15-SI/2025 od 02.04.2025. godine, kojim se traži Mišljenje na federalni Nacrt Zakona o profesionalnoj rehabilitaciji i upošljavanju osoba s invaliditetom.

Nadležnost za donošenje ovog Zakona i davanje Mišljenja na Nacrt Zakona o profesionalnoj rehabilitaciji i zapošljavanju osoba s invaliditetom, proizilaze iz članova 19. i 20. Ustava Srednjobosanskog zakona („Službene novine Srednjobosanskog kantona“ broj: 1/1997, 7/1998 - ispr., 5/1997 - Amandman I, 6/1997 - Amandmani II-III, 2/1998 - Amandman IV-VIII, 8/1998 - Amandman IX, 10/2000 - Amandman X, 8/2003 - Amandmani XI-LXIII, 2/2004 - Amandman LXIV i 14/2004 - Amandmani LXV-LXIX), gdje je određeno da su Federacija i Kanton nadležni pored svega navedenog u prethodno navedenim članovima i za socijalnu politiku.

Pokretač inicijative za donošenje ovog Zakona je Federalno ministarstvo rada i socijalne politike.

Prethodno doneseni Zakon o profesionalnoj rehabilitaciji i zapošljavanju osoba s invaliditetom, a koji je trenutno na snazi, donesen je 2010. godine. Trenutno je podložan određenim izmjenama, odnosno donošenjem novog zakona jer se mijenja više od 50% postojećeg, jer ne definiše određene oblasti, a koje su od koristi osobama s invaliditetom.

Dostavljeni tekst Nacrta Zakona o profesionalnoj rehabilitaciji i zapošljavanju osoba s invaliditetom ima za cilj stvoriti bolje uslove i osigurati jednake mogućnosti za zapošljavanje osoba sa invaliditetom, propisujući mjere podrške i otklanjajući barijere kako bi se omogućilo osobama s invaliditetom da sudjeluju u društvenom i profesionalnom životu.

Nacrtom Zakona o profesionalnoj rehabilitaciji i upošljavanju osoba s invaliditetom između ostalog daje se definicija lica sa invaliditetom, postupak i način utvrđivanja invaliditeta i smanjene radne sposobnosti, daje se doprinos profesionalnoj rehabilitaciji kroz školovanje, mjere i aktivnosti profesionalne rehabilitacije, priznavanje prava na rehabilitaciju, način izvođenja rehabilitacije, osnivanje ustanova za rehabilitaciju, vođenje evidencije o nezaposlenim licima sa invaliditetom, zapošljavanje lica sa invaliditetom, određuju prednosti pri zapošljavanju uz obavezu poslodavaca na zapošljavanje istih pod određenim uslovima, te predviđa osnivanje privrednih društava za zapošljavanje osoba sa invaliditetom. Novim Zakonom predviđene su olakšice za poslodavce koji zapošljavaju lica sa invaliditetom, utvrđene su nadležnosti Fonda za profesionalnu rehabilitaciju, njegovo funkcionisanje, način upravljanja, donošenje podzakonskih akata, usklađivanje općih akata Fonda i prestanak postojećeg Zakona o profesionalnoj rehabilitaciji, osposobljavanju i zapošljavanju osoba sa invaliditetom.

Razmatrajući dostavljeni tekst federalnog Nacrta Zakona o profesionalnoj rehabilitaciji i zapošljavanju osoba s invaliditetom smatramo da isti dovodi osobe sa invaliditetom u nepovoljniji položaj u odnosu na sadašnji Zakon, bar kada je u pitanju člana 20. Nacrta Zakona o profesionalnoj rehabilitaciji i zapošljavanju osoba s invaliditetom.

U Nacrtu Zakona o profesionalnoj rehabilitaciji i zapošljavanju osoba s invaliditetom u članu 20 se nalazi sljedeća odredba: „Prilikom upošljavanja osoba sa invaliditetom pod općim uvjetima poslodavci iz člana 18. ovog zakona dužni su ta lica zapošljavati srazmjerno ukupnom broju zaposlenih u tom subjektu i to:

- a. do 31. prosinca 2024. godine najmanje jednu osobu s invaliditetom na svakih 17 zaposlenih,
- b. do 31. prosinca 2025. godine najmanje jednu osobu s invaliditetom na svakih 18 zaposlenih,
- c. do 31. prosinca 2026. godine najmanje jednu osobu s invaliditetom na svakih 19 zaposlenih,
- d. do 31. prosinca 2027. godine najmanje jednu osobu s invaliditetom na svakih 20 zaposlenih,


Dok trenutni član 18 Zakona o profesionalnoj rehabilitaciji i zapošljavanju osoba s invaliditetom („Službene novine Federacije BiH“ broj: 9/10), definiše na sljedeći način:

- do 31. decembra 2009. najmanje jedno lice sa invaliditetom na svakih 39 zaposlenih,
- do 31. decembra 2010. najmanje jedno lice sa invaliditetom na svakih 32 zaposlenih,
- do 31. decembra 2011. najmanje jedno lice sa invaliditetom na svakih 24 zaposlenih,
- do 31. decembra 2012. najmanje jedno lice sa invaliditetom na svakih 19 zaposlenih,
- do 31. decembra 2013. najmanje jedno lice sa invaliditetom na svakih 16 zaposlenih,

**Mišljenja smo da se treba povećavati broj zapošljavanja osoba sa invaliditetom na manji broj zaposlenih, kao što je to bio slučaj sa trenutnim zakonom koji je još na snazi do donošenja novog Zakona o profesionalnoj rehabilitaciji i zapošljavanju osoba s invaliditetom.**

Ovaj Zakon treba da otvara nove mogućnosti za osobe sa invaliditetom, jer to nisu osobe nimalo manje interesantne i korisne za društvenu zajednicu od ostalih, i na taj način im treba dati mogućnost i novu šansu za ostvarivanje životnih ciljeva. Treba im dati šansu kroz poticanje poslodavaca na zapošljavanje većeg broja osoba sa invaliditetom i omogućiti kvalitetnije upravljanje sredstvima namjenjenim za profesionalnu rehabilitaciju i zapošljavanje osoba sa invaliditetom, dok je osnivanje zaštitnih radionica odnosno privrednih društava za zapošljavanje osoba sa invaliditetom predviđeno kao model zapošljavanja osoba sa invaliditetom koje nisu u mogućnosti da budu učesnici slobodnog tržišta rada, te predlažemo da Vlada Srednjobosanskog kantona da pozitivno mišljenje na isti uz odgovarajuće izmjena člana 20. Nacrta Zakona o profesionalnoj rehabilitaciji i zapošljavanju osoba s invaliditetom.

S poštovanjem,

  
MINISTAR  
\_\_\_\_\_  
dr. sci. Sedžad Milanović